

可齋續藁

可

齊

禮

記

卷

詳校官庶士_臣吳烜

主事_臣呂雲棟覆勘

總校官庶吉士臣倉聖脉

校對官學正臣湯垣

謄錄舉人臣李達泰

可齋續藁原序

雜稿鋟梓出於兒輩哀次中多少作未嘗不動壯夫之
悔一二季間復應酬又欲從而續之姑徇其意然軍書
蠶午中安有好語徒重作者笑寶祐甲寅四月既望

疏于中安官欲請封重於世矣實訪甲寅四月朔望
到一二半間恩真隨人於於而於之故歸其意
歸歸於林出於以輩京中交之於木嘗不候
下德歸業感哀

欽定四庫全書

可齋續藁前卷一

宋 李曾伯 撰

表

賀寶祐改元 京湖制司

常久御時丕紹鴻圖之永乾元敷號聿偕鳳歷之更一
札誕頒八荒胥懌竊以自天申命付予有家開寶真人
肇啟垂基之慶嘉祐盛際尤推必世之仁宣二祖之重
光開千齡之景運載稽家數允協休符恭惟皇帝陛下

寅畏嚴恭剛健篤實德新日而又日勅命載歌時後天
而奉天洗心以易歲逢十閏序轉三微答皇穹譴告之
靈取聖化解張之義予予改是宏濟登茲臣敬布王言
具孚民聽幸聯周翰頌天子之萬年願奉漢正還官儀
于三輔

賀寶祐改元

龍圖閣

兼三御物仁當必世之新謂一為元歷啟卜年之永渙
敷大號泰格兩間竊惟以旱而諉乾封因水而易地節

應以文不以實猶莫答於天威考諸古駢諸今孰若繩
於祖武恭惟皇帝陛下兢兢猶舜翼翼若文守位以仁
結人心於能久遇裁而懼啟王業之復興仰稽開寶垂
統之艱難爰襲嘉祐躋時之熙洽輯隆名而誕告與寰
宇以惟新於萬斯年自今以始臣班聯清禁慶阻丹墀
出河洛之圖書將還一統賡江漢之詩雅用祝萬年

賀寶祐改元

京西帥司

天位握符將邁歷年之永日官更歷爰興嗣歲之元和

格該埏慶闕宗社恭惟皇帝陛下應天以實必世而仁
定能靜靜能安由大學之明德變則通通則久本神化
以使民轉否運而嘉祥祖乾綱之成憲寶思遺我知創
業之維艱祐取尚賢念保邦之不易載褒美號懋衍丕
圖臣猥領師干竦聆渙汗豈惟癯老扶杖而聽詔書當
使遐陬稱藩而奉正朔

謝宣賜歷日

癸丑

更元漢歷式臨地統之初錫命楚封爰謹人時之授乾

坤順序華夏同文恭惟皇帝陛下道契五三運逢千一
化陶獨播熙然溫厚之仁琴瑟載調昭若清夷之度繼
開寶嘉祐綿延之休命新車攻吉日赫奕之治功必世
乃孚後天其永臣敢不欽承殊渥誕布成書比及三年
雖乏陟明之績有能一日願殫必葺之忠

賀立皇子

京湖制司

新元發號方交泰象之三明詔選宗喜索震文之一參
諸大衍必也正名恭惟皇帝陛下光紹丕基識超遠覽

事事而廟見思洪業之艱難親親以尚賢法前猷之果
斷時惟國本決自宸衷以祖宗之心為心何私之有謂
兄弟之子猶子在禮則然社稷奠安天人悅豫臣迹縻
荆閭忱切華封襲熙而宣重光庶永綿延之祚教事而
諭諸德願成岐嶷之資

賀立皇子

湖北帥司

更元嗣歷肇新地統之年立愛正名近篤天彝之義臚
傳吉日彪列前星恭惟皇帝陛下祇適大猷聿開休運

謂惟天惟祖不輕付托之傳而有國有家久念延洪之
計豈特嘉祐老臣之累疏恪遵紹興元子之舊章克嶷
克岐蔚有成人之器丕承丕顯益綿奕世之基亦社載
封洪圖增固臣聳聆慶事屬阻窮邊嘉與吏民欣逢一
札十行之布願言輔導俾臻九德六行之全

賀冊瑞國公主

皇帝為父萬年益衍本支之茂王姬下后一等晉疏湯
沐之封喜動宮闈慶闕家國恭惟皇帝陛下克仁睦族

舜智察倫治以身先克謹翠襦之戒愛由近始宜新組
帶之儀秩視分茅祉均綿帑臣猥叨分閭欣際展親沁
幄承恩未數東都之盛事漢濱流化第增南國之歡聲

謝宣賜夏藥

壬子

彤庭䟽綽軫萬甲之扞邊珍劑實奩按三庚而傳驛禮
隆體貌感極肺肝伏念臣職忝幹方才慚課效雖臣心
孔疚每思蚤夜之飲冰而民瘼未蘓寧免閭閻之咨暑
敢期衰薊上沐春綏畀之漢札之十行賚以炎經之庶

品光華宸渥蠲滌宿痾恭惟皇帝陛下理國猶身躋民
於壽更化善治千年一過於南薰序情閔勞六月載懷
於北伐金藏在候錫寵自天臣敢不精意服休鞠躬盡
瘁扶持弱質豈徒莊史之衛生推廣洪恩咸使舜民之
解慍

謝宣賜夏藥

癸丑

藩方玩歲閱南陸之炎威詔旨對時錫西山之珍劑鞠
躬拜賜鏤骨銜恩伏念臣自癸水之一來凡庚金之四

歷薰蒸霧潦老筋力於驅馳蓬勃煙埃弊精神於酬酢
過沐中宸之儼渥渚勤上藥之匪頒於粲精奩增光遠
壘恭惟皇帝陛下兩儀合德一視同仁共武飭戎屬當
周原北伐之月阜民解愠復見舜世南薰之風爰念邊
臣俯加聖惠臣敢不益殫勞瘁思報生全推廣君仁以
起一方之病請求民隱冀臻六氣之和

謝宣賜臘藥

錫壤罔功三聞臘鼓寶奩實劑載被溫綸佩渙渥之優

隆撫微躬而激烈伏念臣護風數處在天一方序屬折
膠又過燕北杪離之候師懷挾纊猶餘漢屯鞞瘞之憂
敢期獲獲之軫憐遽辱珍良之分賚同霑春育頓解宿
痾恭惟皇帝陛下道適平康德垂仁厚遣戍衛國閔其
雨雪之時以予馭臣著之歲月之典衰蹤何幸嘉惠屢
承臣敢不思稱服休勉圖效報拜手萬金之品謹護熊
經誓心一節之忠仰酬鴻造

謝特賜銀絹

癸丑